



La gruppera victura en il champ D è quella da Tumegl: Mauro Ardüser, Urs Nauli, Dirk Frischknecht, Hansruedi Giger e Carl Frischknecht (da san.).



Els èn ils victurs tar la categoria A cun l'arma da sport: Renato Gruber, Markus Margreth, Hardi Gruber, Claudio Brazerol, Urs Brazerol e Benno Gruber (da san.).



Tratg ferm cun l'arma da sport han er ils tiradurs da Laax-Falera: Erwin Vincenz, Rumetg Cathomen, Leonhard Casutt, Renatus Casutt e Rinaldo Pelican (da san.).

## Pulita surpraisa en il champ A

Cuira: Tir final grischun da gruppas

DA GION NUTEGN STGIER / ANR

**■ Alvra e Tumegl èn las societads vitturas sin la distanza da 300 m e Cuira ha gudagnà la concurrenz tar las pistolas 25 m e 50 m. Tratg bain han er las gruppas sursilvanas sin la distanza da 300 m. Gist 11 èn sa qualifitgadas per l'emprima runda naziunala. Ferm han er sajettà ils tschintg tiradurs da Sent.** Per ils tiradurs da noss chantun è ina occurrenzia da gronda muntada già stada sonda. Il final chantunal da gruppas èn en il Grischun il tir dals tirs e quai per giugen e vigil. En comparazion cun l'onn passà han ils matscheurs grischuns sajettà pli precis e fatg megliers resultats. Sin la distanza da 300 m han ils passa 200 tiradurs tratg sonda pli ferm en l'emprima da las duas rondas. Las relaziuns èn ina giada dapli stadas pretensiunas, ina glisch inquietia e sco adina bler vent al Rossboden.

**La gruppera da Laax-Falera ha persvas** En il champ A 300 m gudogna per l'emprima giada la gruppera da l'Alvra e procura uschia per ina gronda surprisa. Als tschintg tiradurs èssi reüssi da far cun 1910 puncts quarter puncts dapli che la gruppera da Cuira sco defensura dal titel da campiun grischun. Remacabel è bain che omaduas gruppas han mintgina gi in tiradur che ha tratg in culp sin la schiba vischina e tuttina ha i tanschì per la victoria e per in plaz sin il podium. Ina pitschna disillusio è seguir il resultat da la gruppera da Favugn, il grond favorit en quel final da l'arma da standard. Sin la gruppera

victura dal Grischun central perda Favugn cun 1901 puncts tuttina nov puncts. Tratg plitost magher ha Georg Maurer, el che tutga en noss chantun tar in dals gronda matscheurs ed è il capotiradur da la gruppera da Favugn. Cuira e Favugn èn cun Haldenstein da preschent seguir las uniuns da tir cun tiradurs da la classa superiura. En quella categoria è la gruppera da Laax-Falera stada a Cuira la pli ferma gruppera sursilvana cun il 6avel post ed ha ina giada dapli obtegnì in plaz en its top diesch. Las uniuns da tir Castrisch, Degen, Sumvitg e Ruschein cumpletteschan il quintet sursilvan che vegn proximamente a sa participar a la concurrenzia da gruppas svizra.

### Danovamain Tumegl

Sa qualifitgadas per il final dal champ D, arma da militar, eran 24 gruppas. Da defendere il titel aveva la gruppera cun il tschintg tiradurs da Tumegl. Quai è reüssi als campiuns grischuns da l'onn passà e quai cun in pulit avanttag sin la gruppera da Castrisch, ella ch'è daventada vicecampiunessa grischuna. Sajettà excellent per la gruppera victura ha en spezial Carl Frischknecht cun duas passas da 145 e 144 puncts. Ils tschintg umens da Castrisch han desdig in la seconda runda cun be far in resultat da 683 puncts, era ella suenter l'emprima runda anc cun 691 puncts a la testa da la rangaziun intermedia. Tumegl aveva scrit be 687 puncts e lura en la seconda runda fatg cun 696 in resultat sensaziunal. Ils tiradurs da Sent, quels èn adina candidats

per in plaz sin il podium ed er sonda tar il final grischun da gruppas han els cuntanschi cun 1368 puncts il terz post. Tschintg ulteriuras uniuns sursilvanas èn er anc sa qualifitgadas per l'emprima da trais rondas naziunalias. Quai èn: Versomi duas gruppas, Laax-Falera, Degen e Ruschein. Mancà be per trais puncts (17avel post) la qualificaziun ha la gruppera da Duin, ella che aveva avant in onn procurà cun il terz post bunamain per ina sensaziun en il champ D. Naginas surpraisas ha i dà tar las pistolas cun gudagnar omaduas disciplinas, 25 m e 50 m, la gruppera da Cuira.

### Resultats

#### Champ A, 300 m arma da sport

1. Alvra, 1910, 2. Cuira, 1906, 3. Favugn, 1901, 4. Haldenstein, 1898, 5. Andeer, 1881, 6. Laax-Falera, 1878, 7. Castrisch, 1878, 8. Degen, 1877, 9. Tavau, 1875, 10. Haldenstein, 1874, 11. Sumvitg, 1874, 12. Ruschein, 1872 (quellas gruppas èn qualifitgadas per l'emprima runda naziunala).

#### Champ D, 300 m arma da militar

1. Tumegl, 1383, 2. Castrisch, 1374, 3. Sent, 1368, 4. Crusch (Grüschi), 1362, 5. Bregaglia, 1361, 6. Versomi Signina, 1357, 7. Samignun, 1356, 8. Monstein, 1355, 9. Scharans, 1353, 10. Laax-Falera, 1349, 11. Tumleastga interna, 1348, 12. Tavau, 1345, 13. Versomi Signina, 1344, 14. Degen, 1340, 15. Ruschein, 1338, 16. Cuira, 1337 (quellas gruppas èn qualifitgadas per l'emprima runda naziunala).

#### Pistola 25 m

1. Cuira 2, 1121, 2. St. Antönien, 104, 3. Cuvignas, 1092.

#### Pistola 50 m

1. Cuira, 736, 2. Cuvignas, 730, 3. Igis-Landquart, 717.



Terz post per ils tiradurs da Sent en la categoria arma da militar: Ueli Krebs, Jakob Gartmann, Andri Krebs, Men Benderer e Gian Marco Raisun (da san.).



La Bregaglia era representada a Cuira en il final cun duas gruppas.



Adina da la partida al grond final: Tarcisi Cadruvi (da san.) ed Ignaz Caduff.



E qua traus tiradurs ed ina tiradura da la gruppera da Duin: Peter Camenisch, Laura Capeder, Remo Capeder e Corsin Capeder (da san.).

FOTOS G. N. STGIER